

Nouvellement Hierosme Cancelli Romain Euesque de Cauglione a fait faire en icelle vn tresbel ordre de colonnes , a la chapelle, ou l'on dict qu'Octavian Auguste vit la tressaincte Mere de Dieu avec son filz entre les bras. outre ce il y a quantite de tableaux faitz de clair obscur par le cheualier Ioseph d'Arpino, qui y seruoit , pour ses funerailles duquel ilz sont sur les prospectiues de la nef du milieu . Il y a vne chapelle ou lon voit vn beau tableau du Mutiano. Au dessus d'icelle vne ou est s. Hierosme de l'ouurage de Iean de Vecchi; au dessous vne aultre peinte par le Pomoranci a main droicte, le Cardinal del Monte est titulaire de ladicte Eglise .

*Despuis le Capitole a main gauche vers les montz.*

**S** Pierre in carcere Tulliano, est aux pieds du Capitole , consacre par s. Syluestre. Audiect lieu s. Pierre, & s. Paul furent emprisonnez . Iceux voulantz baptizer Processius , & Martinianus gardiens de ladicte prison il y fourdi miraculeusement vne fontaine. Il y a chasque iour 1200. ans d'Indulgence, & la remission la de troiesme partie des pechez, lesquelz se redoublent les iours de feste. En icelle reposent les corps de s. Processius, & Martinianus . Au dessus est l'Eglise de s. Ioseph avec la compagnie des bucherons.

S. Adrian est aussy in foro Romano, ou estoit anciennement l'ærarium, que Honorè I. consacra a s. Adrian. En icelle sont les corps de s. Marius, s. Marte, & des Reliques de s. Adrian, & beaucoup d'autres, cest vn conuent de Moynes du Riscatto, & tiltre de Cardinal.

S. Laurens in Miranda in foro Boario, ou Romano, est la confrairie des Apotiquaires & porches d'Antonius, & Faustina, ou iceux ont desia fondè vn tresbeau temple.

Ss. Cosme, & Damian in foro Romano fut anciennement le temple de Romulus que Felice IV. consacra aux dictz Sainctz . a l'honneur desquelz le Bienhereux Gregoire la restaura estant ruinee . La station y est le Ieudy d'après le troiesme Dimanche de Quaresme, & tous les iours mill'ans d'Indulgence . En icelle sont les corps des ss. Cosme, & Damian, & plusieurs aultres Reliques, les portes d'airan qui y sont, sont anti-ques, la habitet des Religieux du troiesme ordre de s. Francois, elle est tiltre de Cardinal.

S. Maria Noua est tiltre de Cardinal, & conuent de Moynes du